



PARLAMENTO
NACIONAL
República Democrática de Timor-Leste

KOMISAUN EKONOMIA NO DEZENVOLVIMENTU

RELATÓRIU

VIZITA FISKALIZASAUN KOMISAUN D

IHA PLATAFORMA BAYU-UNDAN



15 Novembru 2019

KOMISAUN EKONOMIA NO DEZENVOLVIMENTU

1. ENKUADRAMENTU LEGAL

Komisaun Ekonomia no Dezenvolvimentu, Parlamentu Nasional hala'ó vizita fiskalizasaun bazeia ba art.^o 92^o, art.^o 95^o, n.^o 3 alínea e), kombinadu ho art.^o 145^o n.^o 3) husi Konstituisaun RDTL, no mos bazeia ba art.^o 35^o alínea c), kominadu ho art.^o 79^o alínea f) husi Rejimentu Parlamentu Nasional.

Vizita ne'e bazeia ba planu atividade anual tinan 2019 ne'ebe koalía kona-ba vizita lokal no mos bazeia ba delibera'saun ne'ebe komisaun foti iha loraon 11 Novembru 2019 no iha loraon ne'e keda komisaun hato'ó pedidu autorizasaun ba Prezidente Parlamentu Nasional no tuir mai hetan despachu iha loraon 14 Novembru 2019.

Haktuir ba despachu refere, iha loraon 15 Novembru 2019, komisaun realiza vizita fiskalizasaun ba iha Plataforma Bayu-Undan ho intensaun atu hare no rona diretamente atividade explora'saun ne'ebe lao iha plataforma petrolífera *offshore*, ne'ebe mak maior fonte receita ba Estado Timor-Leste.

2. KOMPOZISAUN DELEGASAUN

Vizita ne'e delegasaun komisaun D kompostu husi deputadu nain 9 no tekniku nain 2, hanesan tuir mai:

1. Prezidente Komisaun D, Deputada Virgínia Ana Belo – Xefe delegasaun
2. Vice-Prezidente Komisaun D, Deputadu Ricardo Baptista – Membro
3. Sekretária Komisaun D, Deputada Olinda Guterres – Membro
4. Deputadu Antoninho Bianco – Membro
5. Deputadu António dos Santos ``55`` - Membro
6. Deputadu Alexandrino C. da Cruz – Membro
7. Deputadu Mariano Assanami Sabino Lopes – Membro
8. Deputadu José Virgílio R. Ferreira – Membro
9. Deputada Regina Freitas – Membro

KOMISAUN EKONOMIA NO DEZENVOLVIMENTU

10. Victor de Deus Maia – Tekiku Komisaun D

11. Juizinha Gonçalves da Costa – Teknika Komisaun D

Iha vizita ne'e delegasaun hetan mos akompanhamentu husi Prezidente ANPM, Gualdino do Carmo da Silva no Jerente ba Saúde no Segurança ANPM, Constantino A. Pinto. Alende ne'e hetan mos akompanhamentu husi responsável empresa ConocoPhillips senhor José Manuel Lobato Gonçalves.

3. PROGRAMA VIZITA

07H15 – Delegasaun to'ó iha heliporto, iha aeroporto Dili

07H30 – Troca vestuário (botas segurança, fato anti-incêndio, capacete, óculos segurança, luvas no protesaun ba tilun)

07H45 – Briefing kona ba regras segurança helicóptero nian

08H30 – Partida Dili ho destino plataforma Bayu-Udan

09H20 – To'ó iha helideck plataforma Bayu-Udan

10H00 – Pequeno almoço

10H30 - Apresentasaun kona ba instalasoens no atividade lor-loron husi operadores timoroan iha plataforma no sessaun perguntas no respostas

11H15 - Visitas instalasoens plataforma

12H30 – Almoço iha tripulasaun plataforma

13H15 – Enkontru ho trabalhadores husi empresa ESS

14H15 - Partida plataforma Bayu-Udan destino Díli

15H20 –To'ó iha heliporto Dili no troca vestuário

KOMISAUN EKONOMIA NO DEZENVOLVIMENTU

4. RELATÓRIU VIZITA

Delegasaun komisaun D wainhira to'ó iha fatin plataforma Bayu-Undan simu direta husi responsável maximu ba plataforma senhor Mike Gibson ho nia equipa, no orienta kedas delegasaun ba iha sala enkontru hodi hola tiha pequena almoço, hafoin kontinua kedas ho apresentasaun. Senhor José Manuel Lobato Gonçalves iha intrudusaun haktuir katak vizita komisaun ekonomia no desenvolvimento iha plataforma Bayu-Undan, ne'e nudar vizita dahuluk depois ratifikasaun tratado fronteira marítima Timor-Leste ho Austrália. Iha apresentasaun ne'e responsável empresa ConocoPhilips apresenta kona ba lala'ok no atividade lor-loron iha plataforma Bayu-Undan.

Depois apresentasaun deputadu sira aproveita oportunidade ne'ebe iha hodi koloka perguntas no preokupasaun balun hanesan tuir mai:

Rezultadu produsaun petróleo produs ona hira; Precisa tempu hira tan mak sei kontinua halo produsaun; Dezenhu equipamentos iha plataforma ne'e dura ba tinan hira; Termina tiha exploraun precisa tan osan hira hodi halo desmantelamento ba equipamento sira; Equipamentos sira ne'e sosa husi nasaun ne'ebe; Empresa ConocoPhilips sei termina iha tinan 2022 no empresa ne'ebe mak atu kontinua, tuir informasaun dehan empresa Santos mak sei tama hodi kontinua; Tamba sa mak fo ba empresa Santos; Investimentu iha Greater Sunrise sei hanesan ho Bayu-Undan ka oinsa. Alende pergunta hirak ne'e deputadu sira mos husu kona ba kestaun segurança, liu-liu liga ba iha atividade peskas ilegal sira.

Hatan ba preokupasaun hirak ne'e, responsável empresa ConocoPhilips haktuir katak tuir estimasaun tekniku nian katak sei hala'o tan produsaun tinan rua ka tolu ne'ebe fulan marsu tinan 2021 to'ó 2022, ida ne'e mais provabel no fulan janeiru tinan 2022 produsaun ne'e bele remata no sei fó reseita ba Estadu Timor-Leste entre USD billaun 0.7, USD millaun 700 to'ó USD billaun 1.7, tanba reseita depende husi produsaun no husi folin petróleo.

KOMISAUN EKONOMIA NO DEZENVOLVIMENTU

Kona ba equipamento sira sosa husi nasaun Corea no durasaun equipamento sira ne'e dura to'ó deit tempu ne'ebe determinadu ona. Wainhira termina ona explorasaun no atu kontinua prezisa biliaun 2 hodi halo desmantelamento ba equipamento sira ne'e hotu.

Empresa ConocoPhillips sei la kontinua tamba hare ba produsaun petróleo menus no presu komersial tun no nia sei ba investe fali iha Amerika ho atividade ne'ebe hanesan, maibe empresa Santos mak sei tama hodi kontinua halo explorasaun. Razaun empresa Santos sosa hodi kontinua tanba hakarak buka naran mesmuke hare ba produsaun petróleo menus no presu komersial tun.

Kona ba Greater Sunrise, wainhira atu hari'i nia plataforma sei la hanesan ho Bayu-Undan no sei bo'ot liu.

Kestaun siguransa, liga ba peskas ilegal sira, tuir informasaun ne'ebe hato'ó katak iha duni ro'ó ilegal sira ne'ebe mak halo atividade peska ilegal iha area tasi timor nian no dala ruma sira peska mai to'ó besik plataforma.



Hafoin apresentasaun delegasaun komisaun D ne'ebe akompanhia husi equipa empresa ConocoPhillips hodi ba vizita torre rua husi torre tolu ne'ebe separado iha complexo Bayu-Undan ne'ebe liga ho ponte hodi liu ba-mai no mos hodi hare besik liu tan kona ba prosesu produsaun, procesamentu, no distribuisaun gas condessado, metano no propano.

KOMISAUN EKONOMIA NO DEZENVOLVIMENTU

Fim husi vizita ne'e delegasaun ba han meio dia ne'ebe oferece husi empresa ConocoPhilips iha refeitório ne'ebe utiliza diaramente husi trabalhador sira.

Iha biban ida ne'e, trabalhador sira husi empresa ESS apresenta keixa ba delegasaun komisaun D relasiona ho situasaun balun ne'ebe mak sira infrenta durante tempu naruk, maibe seidak iha solusaun to'õ agora.

Preokupasaun ne'ebe sira hato'õ mak empresa ESS la selu sira nia direitu iha tempu férias, tanba kompara ho empresa sira seluk ne'ebe nia trabalhador servisu hotu iha plataforma, maibe empresa selu sira iha tempu férias. Razaun tanba saída mak empresa la selu trabalhador sira, tuir informasaun husi trabalhador sira rasik katak sira nia parte hasoru malu ona ho diretor empresa, maibe diretor empresa dehan deit katak so ema bulak mak bele selu ita bo'ot sira iha loraon férias.

Kestaun seluk ne'ebe sira koloka mos kona ba regime kontributivu ba segurança social ne'ebe implementa desde 2018, maibe to'õ agora sira nia parte seidak iha informasaun klaru ba ida ne'e.

Hatan ba preokupasoens no lamentasoens trabalhador sira nian, tuir deputadu komisaun D sira katak asuntu kona ba regime kontributivu ba segurança social parte komisaun sei komunika ho ministériu relevante hodi bele esklarese situasaun ida ne'e, no relasaun ho empresa la selu trabalhador sira iha tempu férias, kestaun ida ne'e parte komisaun D hare katak iha ona lei ne'ebe mak Parlamentu Nasional aprova no hetan ona promulgasaun husi Presidente República, ne'ebe mak fo tratamentu espesifiku ba trabalhador sira ne'ebe servisu iha kampu Bayu-Undan, no tanba saída mak empresa la cumpri nia dever hodi selu direto trabalhador sira nian, tanba ne'e komisaun husu ba Autoridade Nacional Petróleo no Minerais nudar orgaun regulador hodi bolu diretor empresa atu nune'e buka solusaun ba problema ida ne'e.



PARLAMENTO
NACIONAL
República Democrática de Timor-Leste

KOMISAUN EKONOMIA NO DEZENVOLVIMENTU



5. KONLUZAUN HUSI VIZITA

Complexo Plataforma Bayu-Undan *offshore* ne'ebe localiza iha tasi timor aproximadamente 240 km husi sul Dili-Timor Leste no 500 km husi noroeste Darwin-Austrália ne'ebe constituído husi parte tolu ne'ebe separadas hanesan: exploração no processamento ba gás condensado, propano no butano, exploração ba gás natural ne'ebe mak kadoras (pipeline) dada direta ba iha Darwin, no ikus liu mak aloja no tripulação ne'ebe inklui fatin sira hanesan dormitórios, refeitório, salas reuniões no fatin ba recreio nian (zonas de lazer).

Kampu *Bayu* ne'ebe descobre iha início tinan 1995 no *Udan* descobre iha fulan julhu tinan 1995 no petróleo no gás natural ne'ebe situado 90 metros profundidade.

ConocoPhilips mak empresa ne'ebe iha capital no operador iha projetu integrado Bayu-Undan ne'ebe halo parte iha laran facilidade tasi nian, kadoras no planta LNG.

Operasoens no manutensaun ba instalações diariamente halo beibeik tanba impaktu husi loron manas ne'ebe maka'as nune'e mos tasi ben ne'ebe mak hoban hela deit besi sira sai ferrugem.

Condições ba saúde no segurança iha plataforma ne'ebe controlada no razoáveis, conta mos ho serviço médico permanente, alimentação no alojamento ne'ebe diak, maibe hare husi

KOMISAUN EKONOMIA NO DEZENVOLVIMENTU

parte fisiku nian todan tebes tanba iha parte exterior husi instalasaun nian ne'ebe provoca manas no lian barulho permanente hela deit no obrigatoriamente utiliza equipamentos protesaun ba tilun wainhira iha liur

Regra sira ba funcionamento operações ne'ebe mak ejize tebes ho razaun segurança no mos procedimento sira ne'ebe mak tenki cumpri ho rigor no disciplina.

Total trabalhador ne'ebe emprega iha indústria plataforma Bayu-Undan atualmente 300 pessoas.

6. REKOMENDASAUN

- a. Rekomenda ba Autoridade Nacional Petróleo no Recursos Minerais no Sekretariu Estado Formasaun Profissiona no Emprego atu tur hamutuk ho empresa ESS hodi buka solusaun alternativa ruma ne'ebe diak, liu-liu oinsa empresa bele selu fali direto trabalhador sira nian iha loron férias;
- b. Rekomenda ba Ministeriu Solidaridade Social no Inclusão atu fahe informasaun ba trabalhador no empregador sira iha setor público no privado atu bele iha konhesimentu kona ba kontribuisaun ba iha segurança social ne'ebe mak hahu implementa ona desde 2018, maibe to'o agora la iha informasaun ruma kona ba asuntu ida ne'e.

7. APROVASAUN

Relatóriu ne'e, hetan ona aprovasaun liu husi reuniaun ordinariu komisaun nian ne'ebé realiza iha loron quinta-feira, 23 janeiru 2020, tuku 10h00, Oras Timor Lorosa'e, iha sala Komisaun D Parlamentu Nasional. Prosesu aprovasaun hetan partisipasaun husi membrus komisaun nain 8 ho rezultadu aprovasaun a favor 8 kontra 0 no abstenasaun 0. Ho nune'e relatoriu fiskalizaun ba Plataforma Bayu-Undan aprova ho unanimidade.

Prezidente Komisaun,

Relatora,

Deputada Virgínia Ana Belo

Deputada Olinda Guterres



PARLAMENTO
NACIONAL
República Democrática de Timor-Leste

KOMISAUN EKONOMIA NO DEZENVOLVIMENTU